

Pihopa o Waiapu: E tautoko ana ahau i te tono a Peneti. E whakaae ana hoki ahau ki te kupu a Ngata e ki nei me oti rawa he take i tenei hui.

I whakaatu te Pihopa o Nelson i nga ahuatanga o nga iwi Maori i era atu wahi o te ao e tutu heere nei nga Mihinā a te Hahi.

I puta te kupu a te Pihopa o Waiapu ko tona whakaaro kia rua nga pihopa mo te Hahi i roto i te iwi Maori, me pakeha hei upoko a me whakarite he pihopa Maori hei kai awihina i a ia. I tautokona tenei whakaaro e te Pihopa o Nelson.

Pine Tamahori: Heoi ano te raruraru ko te kimi i te oranga mo nga pihopa. Mehemea kua taea tera wahi te tinoiro tera e whakaae te iwi Maori ki tenei tikanga.

I runga i te motini a te Atipihopa ka whakanetia kia hiki te hui mo te ahiāhi, kia whai taima ai nga Maori ki te whiriwhiri tikanga.

I konei ka hui tonu te taha Maori, a te mutunga iho, ka paahitia ko nga motini e mau ake nei:—

**1. Kei te pouri nga mema o te hinota notemea kaore i tino tatu o ratou whakaaro me pakeha, me Maori ranei he Pihopa tuatahi mo te Pihopatanga o Aotearoa, a mehemea kua kite iho nga Pihopa kua kore he take e kumea ai tenei hui kia roa, e tono ana tenei Hui kia hikitia te whakatau mo tenei take ki te Hinota Topu Nui e takoto mai nei."**

**2. "Me whakarite ko te Hon. A. T. Ngata me Rev. F. A. Bennett hei mangai whakatakoto atu i nga take a tenei Hui ki te aroaro o te Hinota Topu Nui."**

I whakaatu a Peneti notemea i putake mai i te Hinota Topu te Pire whakaae mo te pihopatanga mo nga Maori, e tika ana kia mauria ano ki taua Hinota Topu nga whakamarama mo nga take i whakauauatia ai.

Ka patai te Atipihopa: I puta ano ranei he whiriwhiri ma to koutou ropu mo tetahi pihopa awihina (assistant)? Ka whakabokia ae.

Ka whakaatu a Ngata ka pai tonu ki te iwi Maori te Pihopa awihina mehemea he Maori taua tangata.

Ka takoto mai i te Atipihopa nga kaupapa e rua hei whiriwhiri ma te hui

(1). He pihopa pakeha me te kai-awhina.

(2). He "Suffragan" (he momo pihopa awihina ano tenei)

I whakaae te Pihopa o Ponake ki te pihopa-awhina.

Ka mea a Ngata me whakarite ko te Atipihopa tonu hei upoko mo te Hahi Maori ka whakarite ai he Maori hei awihina i a ia.